

২০ জানুয়ারি ২০২৫

৪র্থ কার্যনির্বাহী পরিষদের ১০ম সভার কার্যবিবরণী ও সিদ্ধান্ত

সম্মাননীয়

শুভেচ্ছা জানবেন।

বাংলা বিভাগ অ্যালামনাই, রাজশাহী বিশ্ববিদ্যালয়ের দশম কার্যনির্বাহী পরিষদের সভা ২০ জানুয়ারি ২০২৫ সোমবার সন্ধ্যা ৭-৩০ টায় অন-লাইন (গুগলমিটে) অনুষ্ঠিত হয়। এতে সভাপতিত্ব করেন, বাংলা বিভাগ অ্যালামনাই, রাজশাহী বিশ্ববিদ্যালয়ের সভাপতি জামিল রায়হান। সভায় ২৬জন সদস্যের সক্রিয় উপস্থিতিতে আলোচনা হয়। সভার শুরুতেই অ্যালামনাই সাধারণ সম্পাদক শহীদ ইকবাল বাংলা বিভাগ অ্যালামনাইয়ের জীবন সদস্য ও বাংলা বিভাগের সহযোগী অধ্যাপক ড. পুরনজিত মহালদারের প্রতি শোক জ্ঞাপন করে একমিনিট নীরবতা পালন করেন এবং শোক সন্তপ্ত পরিবারের প্রতি সমবেদনা জ্ঞাপন করেন। এবং বাংলা বিভাগ অ্যালামনাইয়ের লিখিত বর্তমান শোকবার্তাটি তাঁর পরিবারের কাছে পৌঁছে দেওয়ার সিদ্ধান্ত হয়। এরপর গত ৩ জানুয়ারি ২০২৫ তারিখের সাধারণ সভার সিদ্ধান্ত উল্লেখ করে বর্তমান কার্যনির্বাহী কমিটির মেয়াদ আগামী ৩১ ডিসেম্বর ২০২৫ পর্যন্ত বৃদ্ধির কথা বলেন। ফলত, সে-সূত্রেই আমরা এই ২০২৩-২৪ মেয়াদের কার্যনির্বাহী পরিষদ এ-বছর আবার মিলিত হয়ে সভা করতে পারছি। এরপর কল্যাণ-তহবিল গঠনের সিদ্ধান্তের বিষয়ে আলাপ শুরু হয়। বিশেষ করে অকালপ্রয়াত ড. পুরনজিত মহালদারের পরিবারের নাজুক অবস্থা তুলে ধরে কথা শুরু করলে সভাপতির মাধ্যমে আলাপে নিরত হন- অধ্যাপক তানভীর দুলাল, রবিউল আলম মিঠু, অধ্যাপক খালেক মিঠু, ফারুক শাহ, ড. সৈয়দ তৌফিক জুহুরী, এস এম সাইদুল আশিয়া, ব্রাইনির ইসলাম, আপেল আবদুল্লাহ, মাহমুদ হাসান, মাহবুব আলম, মঞ্জুর সামাদ, আমিনুল ইসলাম, আলমাস মল্লিক প্রমুখ। বিশেষ করে পুরনজিতের বন্ধুরা ব্যাপকভাবে সহানুভূতি প্রকাশ করে তার পারিবারিক সুরক্ষার বিষয়টি তুলে ধরেন। এক-পর্যায়ে সভাপতি জামিল রায়হান ও আপেল আবদুল্লাহ- ড. পুরনজিতের জন্য অন্তত ১০লক্ষ টাকার সহায়তা ফান্ড গঠনের কথা বলেন। এবং বিভাগের করণীয় কী আছে- সে-বিষয়ে সাধারণ সম্পাদকের দৃষ্টি আকৃষ্ট করলে তিনি তা বিস্তারিত তুলে ধরে বলেন- ইতোমধ্যেই বিশ্ববিদ্যালয়ে উপাচার্যের নিকট বাংলা বিভাগের একাডেমিক কমিটি সাক্ষাৎ করে প্রয়াতের স্ত্রীর চাকরির ব্যাপারে জরুরি পদক্ষেপের কথা বলেছে। এবং উপাচার্যের প্রস্তাবমতো বিভাগীয় একাডেমিক কমিটির জরুরি সিদ্ধান্তের ড্রাফটটি হাতে তুলে দেওয়া হয়েছে। এছাড়া বিভাগের শিক্ষকদের প্রত্যেকের নিকট থেকে আর্থিক সহায়তা এবং বিশ্ববিদ্যালয়ের পুরনজিতের সহকর্মীরা একত্রিত হয়ে একটি সহায়তা ফান্ড গঠনের প্রক্রিয়া শুরু করেছেন। যা হোক, এইসব পদক্ষেপকে অ্যালামনাই সভাপতি জনাব জামিল রায়হান জরুরি ও গুরুত্বপূর্ণ মনে করেন। এবং অ্যালামনাইও ড. পুরনজিতের স্ত্রীর চাকরির বিষয়ে বিশ্ববিদ্যালয় উপাচার্যের নিকট লিখিত পত্র প্রদান করবে। পরে অ্যালামনাই থেকে ফান্ড গঠনের লক্ষ্যে- মো. মাহবুব আলমের নেতৃত্বে ১১ সদস্যবিশিষ্ট একটি কমিটি গঠন করা হয়। এরপর কল্যাণ তহবিল নিয়েও দীর্ঘ আলোচনা চলে। ফলত, এ-সভার সুনির্দিষ্ট সিদ্ধান্তগুলো নিম্নরূপ :

- ১) গত ৩ জানুয়ারি ২০২৫ সাধারণ সভার কার্যবিবরণী অবহিত করা হয়।
- ২) অকালপ্রয়াত পুরনজিত মহালদারের জন্য শোকপ্রস্তাব গৃহীত হয়।
- ৩) অকালপ্রয়াত ড. পুরনজিত মহালদারের পারিবারিক সুরক্ষা ফান্ড কমিটি নিম্নরূপে গঠিত হয় :
মো. মাহবুব আলম- আহ্বায়ক; সদস্য : ফারুক শাহ, সাইদুল আশিয়া, জ্যোত্স্না লিপি, তবিরুর রহমান, শায়লা মাহবুব, মঞ্জুর সামাদ, আমিনুল ইসলাম, আলমাস মল্লিক, সৈয়দ তৌফিক জুহুরী এবং তানভীর দুলাল (সদস্য-সচিব)।
- ৪) দুর্ঘটনাস্থল পরিদর্শন করে সিটি কর্পোরেশনে চিঠি দিয়ে বাংলা বিভাগের সভাপতি আইনি উদ্যোগে সচেষ্ট হবেন।
- ৫) ওলেফেয়ার ট্রাস্টি গঠন সম্পর্কে পরবর্তীতে আরও আলোচনা করা হবে।

সবাইকে ধন্যবাদ জানিয়ে সভাপতি সভার কাজ শেষ করেন।

সাধারণ সম্পাদক

সভাপতি